

Maki Naña SUT Siriyuia Visayuena Na Tusi Nene

Suniena plas na tusi nini

Maki kiena Sut, Sut siri e pogos naña navi-sawalena a navianiena la moki asumãaga naña la asape amlelaga e Yesu, ana kiela vianiena la pe mesmesu re poli. Ana komin suri ne nanene naga pisa pan li nalelagaena lala, vena monar avisuar ruruiã vena yaru la ne sanene ve akom re varaun la, vena akila la aloru. Maki na plas ga nini, kana sitomiena naga maran taaga amio maki kiena Pita na lua, naña sape li nalelagaena lala monar atarar ðelaga na lelagaena naña Ntewa mila panila m̃arera, naña yoko sike sike luwe vano ve uro re.

Komþasnen tusi la na nini

Visena þesa 1-2

Þelaga a vianena kiena navianena piowa, a kiela nakoena 3-16

Visena na kilapþegeen li na lelagaena lala 17-23

Visena maro 23-25

Visena þesia

¹ Inu Sut, naña nepe yaru na yuãaena kiena ne Yesu Kristo, a nepe wenla Semes, nesiri maki nini piãasu. Nemligan pimi pan amiu yeririna

la naña Ntewa arimata pio amiu ape kiena rui, naña naga sitom amiu pañisi, a naña asike vatanon navisuar ruruena kiena ne Yesu Kristo. ² Kiau leniena nesape sineyeena, sumãarena, a sitomena, la aim aule e amiu, asumãa aim ave keviu manene laa silaga.

Maki nini na e lepas kiena ne la naña apilon kare ke visena kiena ne Ntewa

³ Erau lala, sumo sineun nesape nesiri mñaki tai van amiu vena visawalen sitomena lañasa e lepas na natamaliaena naña ita punu tetolia, ana nanagane ga ne visena tai kom pun amiu pimi tol inu, ana nepisu sane monar nesiriyu suri tañena nene narui.

Nemloge sane suri lañas pe po manene re poli, ana nesape nevisa van amiu aviawa mñarera, añareran naña atarar ruru kieta nalelagaena. Kieta nalelagaena nene, Ntewa mligan pitomi pan li nalelagaena wa lala nasumo e pogos ta rui, ana pe nakepuen re si poli pona pe naliganen re si tañena mon metavan poli. ⁴ Ana suri naña nemloge, nepisu sane yaru la naña apimi añarpran amiu, la akepu ke kieta nalelagaena rui. La nene, pe mesmesun re awarpran amiu poli, apim vinau ga, pe akom re e pulutava poli, ana nanagane asike pun amiu rui. La nene ape nasinekareen kieta nalotena, la pe sinelan re Yesu Kristo naña naga taaga pe Yerkaawa a pe kieta Suñe. Ntewa pisape sanene, sape e kiena lemamiena, naga kekaran viewoen kieta mlamulena viowa lala, ana la nene apilopu ke sina ga kiena visena, asumãa apisa ke asape visae sanene, akilia akila mlamulena viowa ya naña la

sinelania, pe pe sur re tai poli, yokorena Ntewa viewo la wo ga ne. Visena nene piowa pañisi, a la naña asumña apisa ke sanene, Visena Wa pisaar kiela nakoena nanua sumo rui.

Yeririna viowa la nene yoko monar atol nakoena

⁵ Popon asitomyuli la ãas naña akila piowa sanene, ana Ntewa mla ruru nena nakoena pan la. Suniena la nene apian ruru amiu e rui, pona sinemiu ãesan yo rui, ana yoko nevisa si van amiu.

Nasumo, naga le Israel la nanua amiyumñae korena garu Isip. Ntewa tamalia pupia ãegas nen yeririna la nene, ãpere plan la sina ga garu Isip, ana siraunia, la mok liu naña apilopu mñasila pania, ana naga mñe plan la amarmare.

⁶ A nalua, naga navisi la naña asuñes ma e peni. Ntewa mligan la e yo wo tai naña mon meta rui, ana pe sinelan re poli, sinelan asape akus ke sina ga lelana, ana kila sanene narui naga piar la e sen lala, naña tañatete akekapil vetan la pogos tai. Naga kila lelela tañena e yemalolo, kuan plan la apa asike ea asumña vano-o tol pupia nakoena e Legiena Maro.

⁷ A natelu, naga le Sotom lala amio le Komora lala, amio yaru tañena lala na pulkumali la naña lavisin la. La mñena ga sa ke ga navisi la nene, kiela sitomena la pa laa metava. Pe ataveve ruru re ãelaga mesmesu naña Ntewa mligan sike e ita poli, ana asumña akila ke ga naña yermñene pa ãpere ke sina ga yermñene, ana nasinenanena na kororak la ne sanene keviu manene la pu la

silaga. Ana monar tesitom ruru ya naña pimi m̃alivin la nene. Pupia kapi kekan la, ana asum̃a atol ke nakoena nene na wa e kapi tañena naña ve vito re tano pogos tai.

Yaru viowa la nene la apano-o apiowa manene laa

⁸ Ana yaru viowa la nene naña apim asike amio amiu, la m̃ena nene akila ke mlamulena piowa sa ke ga. Asum̃a apisu ke sur viowa lala e kiela m̃eniena lala, ana ya naña la apisuia, sinelan asape akila. Akila suri piowa la e tasnela lala, akovenlua ga visena kiena yaru naña sape visli van la, a asum̃a apitalia kare ke nam̃areraena wo tañena la naña tañatete tevisuia. ⁹ Ana nam̃areraena tañena la nene pe nakirakiraen re nena amio poli. Tekilia tevisu naña Parnavisi Maikel, pogos naña pepeyu ke amio Yermare, sape lalua nene ane yoko kus tasnena ne Mosis, ana pe pis re piowa pan poli. Pona tesitom ke tesape naga popon visa visena m̃arera pona visena na sinekarena lala van yo, ana naga pe pisa re poli, pisa ga pisape “Ntewa Namava yoko vis van ko na wa.” ¹⁰ Ana yaru la nene, apis piowa a apisin sinemimiena e suri punu ga. Suri la naña akilia pona sur naña pe akilia re poli, ana la apisayu kare pa piowa ga. Kiliaena naña la atolia, maran taaga ga amio kiliaena kiena ne suri mali, naña suri ya naña mloge sape kila, po pona piowa ga, ana kila ga narui. Pelaga piowa la naña asum̃a akila ke nene, kila sane kiela

vianena lala pe na visokanen ga, pe mesmesu re poli, tařpatete nena suřalu.

Yaru viowa la nene akila kare yuřaena na suřare lala

¹¹ La asumã amlulu ke mrapa namarena nene nařa yaru nene Ken mlilu nanua sumo, komin nařa naga sinen kar wenla. Ana yaru viowa la nene amligan la asike mřena e yo viowa nene nařa Navisawalena Pelamã mligan naga se sumo, komin naga pisa visena nařa pe mesmesun re vena tauluen kilavaru e poli, ana kiena visena kila yeririna kiena ne Ntewa lala apa amlotun ntewa tařena. A ta sina, amloru apito akovio e pulus nen porotano nařa Kora nasumo pito kovio ea, na nene e pogos nařa porotano nařa naga suřalu sike ea purřaia, komin nařa naga kawe visena kiena ne nasumonena nařa Ntewa naga mliganaria.

¹² A pogos nařa aim lele taaga vena kilaen kinanena naviranaren kiamiu sinewo, ana la nene asike sane piamře tai nařa tapolou mřeke vatanon sive, nařa visae waa va la lavisinia yoko va velan ga mřeke ea. Akila kare ga kamiu kinanena la nene, nařa akinan kar ga pařisi, amun wii pano-o akilalu řarila, ařaaga pařisi, a pe asitom re yaru tařena poli, pe asitom re sur ta poli.

Yaru la ne sanene sa ga lul nařa lagi kus pa řaro ga, pe mligan ruru re kana yua pitomi kove kata lokove poli. La sa ga laki tai nařa atelua mon mřaga menununu, vanon pe řar re mras poli.

¹³ La sa ga pupia sive nařa řan wowoia kuan

kana sirpup amio lakee pe kororaki ga pa sike ura. La sa ga verue naña mlai e sinapane, naña asu yam plas ga p̄isi na akokovio make sina, apa asulue e pupia pupumalo na yemalolo.

Navisawalena Inok nasumo naga pisayu yaru la ne sanene rui

¹⁴ Asitomyuli m̄ena visawalena tai kiena ne yermarua Inok nanua susumo laa rui, naña naga molue kome lus olua kiena ne Atam. Naga pisayu ke yaru viowa la ne sanene narui, naña naga pisa sanini, pisape “!Avisuaria! Yoko Ntewa Namava vitom amio kiena navisi wa la ve tenario, ¹⁵ vena liṗereen yaru viowa na kilaen mlamulena naña pe amlogear re naga poli. Yoko naga la nakoarena van la komin kiela yum̄aena naviowaena na ṗarm̄arera, a komin kiela visen viowa na sinekar la naña akoven e marana.”

¹⁶ La naña apim asike pumiu, visena nene torokin la nenaga, vanon la ape yar na vis mumuena, la ape yar na kaween visena e sur punu ga, la ape yar la naña sinelan la ga, a la ape yar na vilavenen visaen pupia visena lala. Ana visae sinelan atol sur tai pumiu, monar avisuar ruru la, vanon la ape yar na visen kiki a ape yar na visruruena m̄ena ga.

Nalologena la m̄ena apisayu yaru la ne sanene

¹⁷ Ana amlilu kiau erau lala, popon asuṃa asitomyu m̄ena ya naña nalologena lala kiena ne Suṗe Yesu Kristo apisape yoko imi m̄alivi na wa. ¹⁸ Asum̄a apisa ke pan ita apisape “E pogos maro, yoko yar la avitalia lele kare yum̄aena

kiena ne Suḗe amio kiena yeririna lala. Yoko akila ḗarila, akila ga ya naḗa kiela nasinenanena viowa la sinelania.” ¹⁹ Yaru la ne sanene la asape kiela ḗegas ga naga po, asape la ga amiyuḗae ke e Ninuna, ana sineun nesape nevisawal van amiu nesape la amiyuḗae ke ga e sitomena na yomarava nini, Ninuna Wa pe su re nena e la nene poli.

Visena na iilaaren li nalelagaena lelaga lala

²⁰ Ana amiu, kiau erau lala, popon kiamiu yuḗaena e kieta lelagaena wa naga suḗa ḗarera lilue va metava. Monar alen silaga e namareraena kiena ne Ninuna Wa. ²¹ Aligan ruru amiu asu luen ga vatano e sinesiena kiena ne Ntewa, a ava ruru amiu asuḗa avisu ga Suḗe Yesu Kristo, vano-o naḗa naga, e kiena sineyeena, wereplan amiu ava e malena na pe luas re poli.

²² Yaru naḗa sitom ḗele ga, aiila naga vena kiena sitomena imi ḗarera sina. ²³ La moki na sanene asuḗa e is nen kapi, lavis akekapil avito e narui, ana avitaḗilin aure plan la, atamalia la. Popon sinemiu ye yaru lala, ana laḗas naḗa apiowa laa sane, amaraun la towe ḗa ga. Kiela mlamulena a kiela namnamena, tol make ga kiela malena a kila kare kiela ḗelaga punu ga, a suḗa e tasnela make ga, a monar ve ave erau manene re amio la, alon la towe ḗaga.

Visena maro: Leniena na yeluaren Ntewa

²⁴ Ana teyeluar Ntewa, naḗa naga kilia tarar ruru ita vena ve telor re, vano-o naga were ita teva tesuḗalu tese e kiena naurarena wa,

naña kieta malena ikiki ruru wo e marana, a tetol pupia kekarena. ²⁵ Memieluar ko Ntewa na mava, naña ko ga taaga ope Natamaliaena. Mepisirilua kioña kia, komin nañareraena a puriukawaena a nasuñeena naga pe kioña ga. Memieluar ko pimi kome Yesu Kristo kiamimi Suñe, siar e pogos la nakonua rui, pimi tol nanagane, vano-o ve uro re, sanene.

**Lologena Wo Kienane Yesu Kristo Kome
Kewo
The New Testament in the Lewo Language of Epi
Island, Vanuatu
Le Nouveau Testament en Lewo langue de l'île d'Épi
au Vanuatu — Niutestamen long Lewo lanwis, blong
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 21 Feb 2024 from source files dated 31 Aug 2023

ee028e1c-7e53-571d-8041-681daaf580e8